



Randi V. Evaldsen
Inatsisartunut ilaasortaq, Demokraatit

§ 37 naapertorlugu apeqqummut akissuteqaat 072/2019 – Meeqqat atuarianni digitaliusumik atuartitsinernut tunngasoq

Asasara Randi V. Evaldsen

Apeqqutinnut qujanaq, taanna Inatsisartut nalinginnaasumik aqutsinermi ileqqoreqqusaat naapertorlugu apeqquteqaatigivat. Tulliuttuni akissavara.

1. Naalakkersuisut Ilinniartitsinermik Ilisimatusarfimmiut suleqatigalugit atortunik UV-nik pisariaqartinneqartunik ineriartortitsinissaat aamma ilinniartitsisut atuartitsissummik nutaamik digitaliusumik aamma meeqqat atuarianni digitaliusunik suliaqarnissanut ilinniartitsisusinnaasunik ilinniartitsinissanut periarfissat qulakkeerreqarnissaat qanoq akeqassappat aamma qanoq sivisutigissava?

Ilinniartitaanermut Aqutsisoqarfimmiut aamma Ilinniartitsinermik Ilisimatusarfimmiut digitaliusunik suliaqartarnerit digitaliusunillu pilersitsisarnerit pillugit atuartitsissutinik suliaqarnerni suleqatigiinnerit eqqarsaatigalugit aningaasatigut aamma piffissamik atuinerit pillugit qanoq akeqassanersut qanorlu sivisutigisumik suliarineqassanersut naatsorsorneqarsimangillat.

Maannakkut meeqqat atuarianni ilinniarfinniluunniit digitaliusunik pilersitsisoqassananilu nammineerluni suliaqartoqarneq ajorpoq.

Meeqqat atuarianni atuartitsissummi inuttut ineriartornermi sammisat tamakku suliarinissaat pissusissamisuussagalarpoq, digitaliusunillu pilersitsisarnerit suliaqartarnerillu aamma atuartitsissutini suliaqartarnerillu tamani tamanna atuartitsinerni qarasaasialerinerit ilanngunneqarneranni nalinginnaasumik ilanngunneqartussaavoq.

Tassami digitaliusunik pilersitsinernit suliaqarnerillu ilinniartitsisunngorniani immikkut ilinniartitsissutaanngimmata ilinniartitsisut sulit tamakkuninnga immikkut ilinniartinneqalinngillat.

Siunissami meeqqat atuariat pillugu aamma meeqqat atuarianni ilikkagassatut pilersaarutit pillugit inatsisit iluarsanneqarnissaannut siulliumalluta Ilinniartitaanermut Aqutsisoqarfimmiut aamma Ilinniartitsinermik Ilisimatusarfimmiut digitaliusunik pilersitsisarnerit suliaqartarnerillu pillugit aamma teknologiimik suliaqarnerit paasisaqarnerillu tassunga ilanngullugit meeqqat atuarianni ilinniarfinnilu immikkut atuartitsissummik sunik periarfissaqarnerisooq tunngavilersuutissaqarnerlu pillugit oqaloqatigiinnissaat pissusissamisuussaaq.

08-02-2019
Suliap normua 2019 - 2739
Allakkat nr. 9927567

Postboks 1029
3900 Nuuk
Oqarsasuaat : +299 34 50
00
Email: ikin@nanoq.gl
www.nanoq.gl

2. Digitaliseriinnaq pillugu periaasissani 2018-imeersuni meeqqat atuarianni atuartunut digitaliusunik pilersitsisarnissat aamma isumannaatsumik internetter-sinnaaneq pillugit anguniagassiisoqarnikuvoq - anguniassat taakku anguniarlugit Naalackersuisut qanoq pissuseqarniarpat? Tamakkununga attuumassuteqartut aamma suut aallartinneqarpat?

Digitaliseriinnermut Aqutsisoqarfimmiut aamma Ilinniartitaanermut Aqutsisoqarfimmiut ataatsimoorlutik meeqqat atuariannut digitaaliusunik periaasissiorsimallutillu digitaaliusunik immikkoortortaqarfimmik pilersitsisimapput, taakkunanilu sulisut "Atuarfik digitaaliusooq"-mi periaasissani sammisanik suliniutinillu atuuttunngortitsinissamik suliaqarput'.

Meeqqat atuariannut digitaliusunik periaasissani suliniutit ilaanni `digitaliusunik pilersitsineri` (sammisami 2-mi `Digitaliusunik piginnaasat`) meeqqat atuarianni digitaaliusunik isumannaatsumik isornartumillu pilersitsisoqarnissaa pingaartinneqassasoq allassimasoqarpoq. Aammattaaq atuartitsinernut atortut ineriartortinneqareersimasut kalaallisullu allagartalersorneqassasut pisiarinqassasut allassimavoq.

Atuartitsinernut atortunik kalaallisut oqaasertalersuinissanut tunngavilersuutit tassaapput atuartitsinernut atortut misiligarneqareernikuusut pitsaassusaallu qulakkeerneqareerlutik atuartitsinernut atortut aallaqqaataanniit suliaralugit sivisoorujussuarmik, ukiut arlaliusinnaapput, tamakkuleriinnaq pinngitsoortinneqarusuppoq.

Digitaliusunik pilersitsinerit suliaqarnerillu aamma isumannaatsumik internettertarnissat pillugit atortussat siullit kalaallisut allagartalersorneqalereerput. Atortussat makku pineqarput.

WiFive: Atortoq isumannaatsumik digitaliusunik suliaqarnernik pingaartitsiffiusoq. Meeqqat inuusuttuaqqallu isumannaatsumik internettertarnissaat aamma ataatsimut isigalugu digitaliusunik suliaqarnerni isumannaallisaaneq isornartorsiunerlu pillugit ilisimasaqarnerulernissaat anguniagaavoq - meeqqaniinnaananilu inuusuttuaqqaniinnaanngitsoq aammali tamakku angajoqqaavanni.

ChaT Paaralugu: Toqqissisimanartumik isumannaatsumillu internettersinnaaneq pillugu 4. aamma 6. klassinut atortussat Red Barnet-imit aamma PiSiu-mit, kalaallit pitsaaliuineq pillugu siunnersuisoqatigiivi, suliarineqarsimapput. Ilinniartitaanermut Aqutsisoqarfimmi atortussat tamakku Iserasuaatikkut siammarternissaat pilersaarutigaa.

Apeqqutit pingajuat: Ilinniartitaanermik aaqqissuusseqqinnermi digitaliseriinnermut periaasissat qanoq ilanngunneqarpat, suliaq tamanna sumut killippa?

Ilinniartitaanerup aaqqissuussaananeramik ataqatigiissumik eqaatsumillu pilersitsiniarluni sulinerup aallartinnerani 2018-ip naanerani suliniutinut suleqatigiit arfineq-pingasut pilersinneqarput taakkulu ukiup ingerlanerata missaani suliaasaqarfinni assigiinngitsuni ilinniartitaanermut suliaasaqarfimmut attuumassuteqartuni periarfissat suliaassallu unammillernartut oqaluserissavaat. Suleqatigiissitat ilaat ataaseq ungasianit internettikkut ilinniartitsilluni atuinerit pingaarnertuppaat aamma meeqqat atuariannut inuusuttullu ilinniartiinut ineriartortitsinissamik siunnersuuteqartassaaq. Suliniutinik suleqatigiit sulinerat *Nunami digitaliseriineq pillugu periaasissat 2018-2021-imit* qanittuararsuarmiippat taamaalillunilu periaasissat aamma ilinniartitaanermik aaqqissuussamik ataqatigiissumik eqaatsumillu pilersitsiniarluni sulinnermut ersarissumik ataqatigiittoqarpoq. Periaasissat *Sammisaq 3 Digitaliusunik pilersitsinerit*

assersuutigalugu digitaliusunik piginnaanernik immikkut ittumik ineriartortitsinissaq digitalimillu periarfissanik atuinerit eqqartorneqarput. Immikkoortumi tassani isiginnaarutikkut illoqarfinni nunaqarfinnilu naligiissumik pitsaanerpaamik atuartitsinissanut pisinnaaneq oqaluuserineqarput. Suliatigut qaffasissutsit suleqatigiillu ikorfartoqatigiinnerat tunngavissinnissaat pillugit isumassarsiamut Digitaliseriinissamik periaasissani politikikkut takorloorlugit anguniakkanut naapertuupput, tassa atuartut ungasianit atuartitsinikkut sapinngisamik najugakkaminni assigiimmik atuartinneqarnissamik neqeroorfigineqarsinnaasarnerannik aallaaveqarpoq sumiluunniit najugaqaralarunik.

Inussiarnersumik inuulluaqqusillunga


Ane Lone Bagger